

REPUBLIKA E KOSOVES / REPUBLIKA KOSOVA / REPUBLIC OF KOSOVO	
AGJENCIA KUNDER KORRUPSIONIT	
AGENCIJA PROTIV KORRUPCIJE	
ANTI-CORRUPTION AGENCY	
Den. Dyq. Diq.	Nr. Prot. Broj. Broj stranica Nr. pages
DPK1	06/107/21
Datum Date	21.01.2021
PRISHTINE	



Republika e Kosovës
Republika Kosova - Republic of Kosovo

AGJENCIA KUNDËR KORRUPSIONIT
AGENCIJA PROTIV KORRUPCIJE
ANTI - CORRUPTION AGENCY

Në mbështetje të nenit 11 (parografi 1.1), nenit 5 (parografi 1 pika 1.5), nenit 18 (parografi 10 dhe 11) të Ligjit nr. 03/L-159 për Agjencinë kundër Korrupsionit, si dhe nenit 19 (parografi 11) të Rregullores nr. 01/2014 së Punës të Agjencisë kundër Korrupsionit, Drejtori i Agjencisë kundër Korrupsionit me datë 20.01.2021, mori:

V E N D I M

I. Mbylljet rasti me nr. AKK-06-1896/20, për zyrtarin e lartë z. Enver Gashi, Drejtor i Drejtorisë së Arsimit në Komunën e Klinës, për shkak se nuk ka prova të mjaftueshme që argumentojnë dyshimin e arsyeshëm për ekzistimin e gjendjes së konfliktit të interesit.

II. Rasti mund të rihapet në çdo kohë kur mund të paraqiten rrethana të reja.

A r s y e t i m

Agjencia kundër Korrupsionit, pas pranimit të informatës nga një raportues me pretendimin se zyrtari i lartë z. Enver Gashi, duke qenë Drejtor i Drejtorisë së Arsimit në Komunën e Klinës, i ka plotësuar numrin e orëve të punës – 10 orë pune në SHFMU “Ismet Rraci – Klinë (në tekstin e mëtejmë: SHFMU), Mësimdhënësit me të cilin ka lidhje familjare (vëlla).

Agjencia kundër Korrupsionit, fillimisht e ka njoftuar zyrtarin e lartë me një shkresë zyrtare për fillimin e shqyrtimit të gjendjes së mundshme të konfliktit të interesit nr.(06-2379/20). Pas pranimit të kësaj shkresë, zyrtari i lartë është deklaruar se lidhur me këtë rast e ka deklaruar konfliktin e interesit dhe është tërhequr nga vendimmarrja.

Me qëllim të sqarimit të këtij rasti, Agjencia përmes shkresës zyrtare nr.(06-2072/20), ka kërkuar dokumentacionin e nevojshëm nga Komuna e Klinës. Dokumentacioni është pranuar nga Komuna e Klinës përmes shkresës zyrtare nr.(06-2317/20).

Procedura lidhur me dhënien e orëve në SHFMU (transferin) e z. Fahredin Gashi, është zhvilluar si në vijim;

Drejtori i SHFMU “Ismet Rraci” në Klinë, përmes shkresës me nr. (767/20) të datës 25.06.2020, i ka shpallur vendet e lira të punës për vitin 2020/2021, duke e njoftuar Drejtorin e Drejtorisë së Arsimit në Komunën e Klinës.

Fahredin Gashi, Mësimdhënës në SHFMU “Dëshmorët” në Vllojakë me plotësim norme edhe në FSHMU “Emin Duraku” në Klinë, përmes kërkesës me nr.(04-112-12381/20), të datës 16.06.2020, ka kërkuar nga Drejtoria e Arsimit plotësim norme (transfer) në lëndën e Kimisë në SHFMU “Ismet Rraci ” në Klinë.

Drejtori i Drejtorisë së Arsimit, pas pranimit të kërkesës me nr.(04-04-112-12381/20), e ka deklaruar konfliktin e interesit lidhur me trajtimin e kësaj kërkese dhe njëkohësisht ka kërkuar përjashtim nga procesi vendimmarrës, shkresa nr.(01-112-12901/2020), të datës 16.06.2020.

Kryetari i Komunës së Klinës me Vendimin nr.(112-14581/20), të datës 30.06.2020, ka autorizuar Shefin e Sektorit të Arsimit për të vendosur lidhur me lëndën nr. (04-112-12381/20), kjo pasi që Drejtori i Drejtorisë së Arsimit e ka deklaruar konfliktin e interesit.

Me Vendimin nr.(112-14895/20), të datës 01.07.2020, Shefi i Sektorit të Arsimit z. Hajdin Morina, i ndanë orët e Kimisë në SHFMU “Ismet Raci” z. Fahredin Gashi, për shkak se ai i ka plotësuar kushtet dhe kriteret sipas Udhëzimit Administrativ 10/2018 për normativin për kuadrin profesional në arsimin e përgjithshëm.

Agjencia kundër Korruptionit, pas shqyrimit të shkresave të lëndës konstaton se gjatë procesit të dhënies së orëve (transferit) të z. Fahredin Gashi, është shfaqur situata e konfliktit “rast për rast” të interesit, por që zyrtari i lartë z. Enver Gashi- Drejtor i Drejtorisë së Arsimit në Komunën e Klinës, e ka deklaruar dhe është përjashtur nga procesi vendimmarrës. Prandaj, nuk ka konflikt interesit, sepse zyrtari i lartë ka vepruar në pajtim me nenin 17 të Ligjit nr.06/L-011 për parandalimin e konfliktit të interesit në të cilin shprehimisht thuhet;

Deklarimi rast për rast i interesave private të zyrtarit

1. Çdo zyrtar gjatë ushtrimit të funksionit të tij publik, në bazë të njohurive të tij dhe në mirëbesim, detyrohet që të bëjë vetëdeklarimin paraprak, rast për rast, të ekzistencës së interesit të tij privat ose të personave të afërm me të lidhur me vendimmarrjen në një çështje të caktuar, që mund të bëhet shkak për lindjen e një konflikti të interesit dhe të tërhoqet nga kjo vendimmarrje.

2. Deklarimi rast për rast i interesave private bëhet çdo herë nga zyrtari, kur kjo kërkohet nga udhëheqësi ose nga institucioni udhëheqës apo mbikëqyrës. Deklarimi, si rregull, duhet kërkuar dhe bërë paraprakisht. Kur kjo nuk është e mundur ose kur nuk ka ndodhur, deklarimi duhet të

kërkohet të bëhet sa më shpejt që të jetë e mundur por jo më vonë se tridhjetë (30) ditë nga data e kërkesës ose e konstatimit të konfliktit të interesit.

3. Vetëdeklarimi ose deklarimi me kërkesë si rregull bëhet me shkrim, kur zyrtari përfshihet në një vendimmarrje për ndonjë çështje të caktuar.

4. Për çdo rast të shfaqjes së një konflikti rast për rast të interesit, institucioni punëdhënës regjistron identitetin e zyrtarit, interesat private të tij, shkak për një konflikt interesit dhe konfliktin apo papajtueshmërinë e konstatuar, palët e interesuara, burimin e informatave, si dhe vendimet e marra për parandalimin, trajtimin dhe zgjidhjen e tyre.

5. Deklaratat për interesat private dhe të gjitha dokumentet që i shoqërojnë konsiderohen dokumente zyrtare.

Nga ajo që u tha si më lartë u vendos si në dispozitiv të këtij vendimi.

II. Në mbështetje të nenit 18 (paragrafi 11) të Ligjit nr. 03/L-159 për Agjencinë kundër Korruptionit, Agjencia mund të rihap rastin në çdo kohë nëse paraqiten rrethana të reja.

Vendimi iu dërgohet:

- Zyrtarit të lartë publik
- Drejtorit të DPK- së
- Z./znej. (zyrtari përgjegjës)

Shaip Havolli
Drejtor i Agjencisë kundër Korruptionit

